

晉州志目錄

第一卷

區別地里

圖經

沿革

疆域

星野

形勝

山川

古蹟

邱隴

風俗

附歲時
俗禮

第二卷

紀錄建置

城池

公署

學校

壇祠

坊表

市集

村堡

附舖舍

津梁

第三卷

締覈貢稅

戶口

田賦

附里社

土產

第四卷

宏宣典禮

朝賀

祀典

第五卷

評臨秩官

官寮

教職

第六卷

歷稽選舉

爵第

賞貢

例監

武官

吏胥

第七卷

表章先獻

仕籍

附薦

宦業

第八卷

採綴藝文

誥勅

紀述

題詠

第九卷

闢揚風化

孝行

節義

貞烈

第十卷

通紀事蹟

事紀

道釋

寺觀

目錄終

澤州志卷之四

禮儀

白虎通云禮者陰陽之際也百事之會也所以尊天地賓鬼神序上下之道也國非禮無以立禮非儀無以行朝祀賓戎禮之大者也儀具而禮存焉爰作志以傳之

朝賀

聖誕先期一日州官率僚屬師生人等具

龍亭儀仗鼓樂習儀于磐石寺畢公廳設香案列儀仗于露臺上設鼓樂于露臺下各東西向至日清

晨官員人等序列于露臺下行三叩禮班首官陞
自東階詣香案前祝曰某衙門某官臣某等荷
國厚恩叨享祿位皆賴
皇上精勤保民致治今茲

聖誕

聖壽日增臣等下情無任欣躍感戴之至祝訖復位
拜舞山呼禮畢送 龍亭奉原安置所在

止旦長至並與

聖誕同惟致詞易爲正旦爲長至云

詔勅州官率僚屬師生人等具

龍亭綵輿儀仗鼓樂郊迎行禮前導

至州

堂朝使立於龍亭之東西向如有出使官員贊者先贊行禮禮畢退於露臺之東西向贊者曰衆官排班班齊作樂拜畢朝使捧

詔書授展讀官開案宣讀衆官皆跪訖仍捧

詔授朝使安龍亭中衆官拜山呼畢州官詣

龍亭前跪問

聖躬萬福朝使鞠躬荅曰

聖躬萬福乃退易服見朝使禮畢復具鼓樂送

詔於官亭

日食救護前期設香案於露臺上設金鼓於儀門內
兩傍設各官拜位于露臺上俱向日至期陰陽官
報日初食各官具朝服行四拜禮皆跪執事者捧
鼓詣班首官擊鼓三聲衆鼓齊鳴候報復圓衆官
仍四拜畢而退

月食救護與日食同官具便服

新官到任先謁祭城隍廟次至公衙祭儀門畢具公
服從中道人於露臺上行禮畢乃升廳排

衙報時押公座畢易便服而坐令屬人等自畢而
下次參見次首領官見畢然後同僚行相見禮

乃諭僚屬諭畢押公文處置公事

鞭春每歲先期造春牛芒神于東關五嶽觀立春前一日各官常服興迎至州儀門外土牛南向芒神在東西向至日清晨設香燭酒菓各官具朝服四拜班首官奠酒者三復位又四拜各官執綵杖排立兩傍長官三擊鼓畢偕各官環擊土牛者三遂碎而退

鄉飲歲正月望十月朔於明倫堂行禮以正官爲主位東南擇以禮致仕官員爲大賓位西北擇年高有德之人或三人或一二人爲僎賓位東北以次

長爲介賓位西南以賓之次者爲三賓位於賓主
介饌之後以教官爲司正以老成生員贊禮前一
日陳設坐次司正率執事習禮次日黎明宰牲具
饌主人率僚屬司正先至遣人速客客至出迎於
庠門外三揖三讓升堂拜訖就位司正至堂中北
面立賓主皆立皆揖執事者酌酒于觶以授司正
司正舉酒曰恭惟

朝廷率由舊章敦崇禮教舉行鄉飲非爲飲食凡我
長幼各相勸勉爲臣盡忠爲子盡孝長幼有序兄
友弟恭內睦宗親外和鄉里無或廢墜以忝所生

讀畢司正飲酒畢以解授執事司正揖賓僎以下
背報揖司正復位賓僎以下皆坐執事者舉律令
坐於堂中賓主皆拱立讀者詣案北面讀曰大誥
鄉飲酒禮序長幼論賢良別姦頑異罪人共坐席
間高年有德者居于上高年淳篤者並之以次序
齒而列其有曾違條犯法之人不許干與善良之
席主者若不分別致使貴賤混淆察知或發覺罪
以違制姦頑違亂正席者全家移出化外讀畢復
位執事者舉僎案至客前主人獻賓薦脯醢設折
俎賓酬主人如之獻僎介僎介酬皆如之訖工入

升歌鼓瑟歌鹿鳴餼醴俱湯工歌四牲飲酒供湯
王歌皇皇者華飲酒供湯笙生奏笙南陔又奏白
華又奏華黍詩歌魚麗笙奏由庚歌南有嘉魚奏
崇邱歌南山有臺奏由儀于是合樂奏關雎鵲巢
又奏葛覃采芣又奏卷耳采蘋每詩先歌首章飲
訖乃徹饌賓主兩拜訖又賓饌介衆賓拜訖送賓
三揖出庠門而退

驚蟄霜降前二日巡捕官率馬步兵及民兵演操至
日州正率僚屬至教場祭旗纛神巡捕官督操如
制行賞罰

祀典

先師殿祀至聖先師孔子左右列祀西配十哲兩廡
列祀先賢先儒明初因前代稱大成至聖文宣王
祀用王禮至成化十二年始加饗豆舞佾之數祭
以天子禮嘉靖九年從張孚敬議改定禮制尊孔
子曰至聖先師孔子易以木主饗豆各損其四舞
以羽籥用六佾

四配

復聖顏子舊封兗國公

宗聖曾子舊封郕國公

述聖子思子舊封洧國公

亞聖孟子舊封鄒國公

東哲

先賢閔子名損舊封費公

先賢冉子名雍舊封商公

先賢端木子名賜舊封黎公

先賢仲子名由舊封衛公

先賢卜子名商舊封魏公

西哲

先賢冉子名耕舊封卞公

先賢宰子名予舊封齊公

先賢冉子名求舊封徐公

先賢言子名鯀舊封吳公

先賢顓孫子名師舊封陳公

東廡

先賢澹臺滅明舊封金鄉侯

先賢原憲舊封任城侯

先賢南宮适舊封汝陽侯

先賢商翟舊封須昌侯

先賢漆雕開舊封平輿侯

先賢司馬耕舊封睢陽侯

先賢有若舊封平陰侯

先賢巫馬施舊封東阿侯

先賢顏辛舊封陽穀侯

先賢曹卹舊封上蔡侯

先賢公孫龍舊封枝江侯

先賢秦商舊封馮翊侯

先賢顏高舊封雷澤侯

先賢壤駟赤舊封上邳侯

先賢石作蜀舊封成紀侯

先賢公夏首舊封鉅平侯

先賢后處舊封膠東侯

先賢奚容藏舊封濟陽侯

先賢顏祖舊封富陽侯

先賢句井疆舊封滎陽侯

先賢秦祖舊封醴成侯

先賢縣成舊封武成侯

先賢公祖句茲舊封印墓侯

先賢燕伋舊封沂源侯

先賢樂欽舊封建成侯